




ԽՐԻՄՅԱՆ ՀԱՅՐԻԿԻ ՎԵՐՋԻՆ ԿՈՆԴԱԿԸ

ՄԿՐՏԻՉ ԾԱՌԱՅ ՅԻՍՈՒՍԻ ՔՐԻՍՏՈՍԻ
ԵՒ ԱՆՀԱՍԱՆԵԼԻ ԿԱՍՓՐՆ ԱՍՏՈՒԾՈՅ ԵՊԻՍԿՈՊՈՍԱՊՆՏ ԵՒ ԿԱԹՈՂԻԿՈՍ
ԱՍԵՆԱՅՆ ՀԱՅՈՑ, ԾԱՅՐԱԳՈՅՆ ՊԱՏՐԻԱՐԲ ՀԱՄԱԶԳԱԿԱՆ ՆԱԽԱՍԵԾԱՐ
ԱԹՈՌՈՅ ԱՅՐԱՐԱՏԵԱՆ ԱՌԱՔԵԼԱԿԱՆ ՄԱՅՐ ԵԿԵՂԵՑԻՈՅ ՍՐԲՈՅ
ԿԱԹՈՒՂԻԿԷ ԷԶՄԻԱԾՆԻ

ՀԱՅԱԶԳԻ ԳԱՂԹԱԿԱՆ ԺՈՂՈՎՐԴՈՅ ՄԵՐՈՑ, ՈՐՔ Ի ՍՓԻՒՌՍԻ ԷՔ
Ի ԶԱՆԱԶԱՆ ՆԱՀԱՆԳՍ ԱՄԵՐԻԿԱՅԻ, ՀԱՐԱԶԱՏ ՈՐԴԻՈՑ ՄԵՐՈՑ ՄԱՅՐ
ԱԹՈՌՈՅՍ, ՆՈՒՐԵՄՔ ՓՐԿՉԱՆԱՆԴ ՍԷՐ, ՈՂՋՈՅՆ ԵՒ ՀԱՅՐԱՊԵՏԱԿԱՆ
ՕՐՀՆՈՒԹԻՒՆ

Յառուս խորին ծերութեան մերոյ թախծալից սրտի լսեմք երբեմն, զի
այլևայլ կուսակցութիւնք համազգի եղբարց ազգայնոց մերոց յայլ և այլ տե-
ղիս կենցաղավարին ընդ միմեանս հակառակ սիրոյ, անեմաւոր խաղաղու-
թեան և փրկարար պատուիրանի Փրկչին մերոյ, և զի՛նչ շահին այսպիսի եղ-
բայրատեաց սրտիք և գործովք, եթէ ոչ կորուստ ըստ հոգւոյ և ըստ մարմ-
նոյ, որով ոչ միայն վնասին առժամապէս, այլ ամա՛ղ, միանգամ ընդ միշտ
վարկաբեկ լինին առաջի ազգաց քաղաքակրթիւնոց, և գտանին ի վտանգս ազգի
ազգի սպառնալեաց ապագային: Եւ նմարտիւ ասեմք, զի այսպիսի դասակար-
գի մերազնեից եթէ ոչ կենցաղավարիցին եղբայրական համերաշխութեամբ
և սիրով, տուծել տուծեսցին զգոյութիւն իւրեանց: Եւ ո՛չ ապաքէն մինչև իսկ
ի քաղաքակրթեալ ազիւնս և ի մեծագոր պետութիւնս գտանին կուսակցու-
թիւնք, և չիցէ՛ քառական լինելն նոցա Ձեզ օրինակ, զի բազմաթիւ կուսակ-
ցութիւնք նոցա կեան ընդ միմեանս ա՛յլեպիսի անկեղծ սիրով և ազնուութեամբ,
որպէս թէ լինէին մի սիրտ և մի գաղափար:

Ո՛հ, որդեա՛կ Իմ սիրեցեալ, սրափեցարո՛ւք ի բմութեանց Ձերոց և ի խոր ֆնոյ անգիտութեան և անհեռաւորութեան, և տեսէ՛ք, եթէ յո՛րպիսում փափուկ ժամանակի գտանիմք: Մեծ իմաստութիւն ամէն դարուց և ժամանակաց ա՛յն է, զի ժողովուրդք և համայնք և վարչութիւնք նոցին խելամուտ լինցին համերաշխ սիրով և ազնիւ վարով կեալ միշտ ընդ միմեանս յօգուտ և ի զարգացումն իւրեանց, և վասն նշմարտութեանս պատմութիւնք ազգաց վկայ են մեզ ամենեցուն: Եւ նախագէտն ամենայնի Տէրն մեր Քրիստոս գիտէր, եթէ լինելոց էին ատելութիւնք յազգս, վասն այնորիկ զգուշացուցեալ՝ յառաջագոյն ասաց. «Պատուիրանն նոր տամ Ձեզ, զի սիրեսցիք զմիմեանս». արդարեւ պատուիրանն այն է միշտ նոր և յափտեմակա՛ն, և այնու փրկարար պատուիրանա՛ւ և եր պահպանեն միշտ ազգ և ազինք զգոյութիւն իւրեանց:

Այդ՝ այսու հայրապետական կոնդակաւ մերով՝ վշտալից Հայրապետ տարաբախտ Ազգիս, որ հասեալ եմ ի մուտս արեւու կենաց իմոց, յորդոր կարդամ առ սիրելիսդ մեր ամենեանն, զի իսպառ բօրափեսչիք զատելութիւն և զմեծամտութիւն ի սրտից Ձերոց, և եղիջիք ընդմիշտ մի սիրտ և մի նոզի՝ համերաշխ և եղբայրական սուրբ սիրով, և գործեցէ՛ք ա՛յնպիսի խոնական իմաստութեամբ, զի արգասիք գործունէութեանց Ձերոց ըստ ամենայնի ո՛չ լինիցին երբեք ի վնաս բշուառ Ազգին մերոյ, այլ յօգուտ և զարգացումն նորին:

Օրհնելով զՁեզ զամենեսինդ, հայցեմք ի Պարգևատուէն ամենեցուն, զի հեղցէ ի Ձեզ զգրութիւն Իւր, և շնորհեսցէ Ձեզ սիրտ նոր և նշմարիտ, կեալ միշտ ընդ միմեանս սիրով և միաբանութեամբ, և ազատեսցէ զՁեզ յամենայն տառապանաց և պարգևեսցէ կեանս երջանկաւէտս յամայր ամօք:

ՄԿՐՏԻՉ ԿԱԹՈՂԻԿՈՍ ՀԱՅՈՑ

Ի 20 սեպտեմբերի 1907 ամի
և ըստ տոմարիս ՌՅՄԷ

